

三法度論卷上

東四

尊者山贊造 東晉太始元年三藏僧伽提婆共慧遠譯

匿	闥	兄	域	弊	毗	祭	娛	音	眠寐	下	密	覺寤	上	音	悟
自	雷	除	尼	反	反	羸	友	羸	力	垂	暗	一	計	舒	佐
付	根					牛	上	福	即	福	音	廬	驢	牧	目
徒	音	發	上	音	付	福	即	福	即	福	音	驢	蠅	舒	佐
的	反	反	反	反	反	長	下	音	醯	即	醯	驢	蠅	目	計
於	音	蕩	下	文	付	長	下	音	醯	即	醯	驢	蠅	目	計
離	反	反	反	反	反	依	下	厄	即	厄	即	驢	蠅	目	計
						猗	下	音	即	即	即	驢	蠅	目	計
						於	下	音	即	即	即	驢	蠅	目	計
						離	下	音	即	即	即	驢	蠅	目	計
						怨	上	早	即	即	即	驢	蠅	目	計
						仇	二	字	即	即	即	驢	蠅	目	計
						冤	求	字	即	即	即	驢	蠅	目	計
						仇	音	音	即	即	即	驢	蠅	目	計

德品第一

知生苦無量 善寂趣彼安 用悲衆生故
輪轉於多劫 捨己之妙善 為一切說法
普智滅諸趣 誓首禮最覺 開此三法門

功德之所歸 安快彼衆生 離於一切苦
前禮於善逝 法及無上衆 今說真諦法

三三如其義

說曰今說三法問尊云說三法三法何義答此經因法故惟三相續撰三法者是假想問何故三法撰答此佛經依無量想衆生爲惡世所壞命以食存欲求其真爲彼開想故及善持故此三法撰一切世間亦依真想及假想是以開想故三法撰問已答三法撰三法惟願說答德惡依覺善勝法問若覺德惡依則善勝法門此三法經本三三品說品各三真度門可說三品但於說有咎所以者何善

勝者應前說是善勝說善勝已然後說德惡

依當覺答已樂所向者則不應說此一切出
間樂向善勝乃至蠅蟲亦樂向樂所以者何
爲食故有所求善勝者樂妙愛如是比義說
善勝世間者多樂向樂而背樂因樂者大涅
槃及無病是多樂向但背是因苦已樂向不

應爲說譬人趣道若已知道則不語道彼亦
如是是故無咎問云何此德惡依覺便有善
勝頗有見金得富見藥病無耶是故不可德
惡依覺而有善勝答雖有此言是義不然當
取如燈譬如然燈即時壞闇非然燈已後壞
闇如是智生即有善勝智覺是一義問德名
何等爲衆生數爲色一味香比爲攝爲諱爲伏
耶答我欲不樂自想作經而此中德者福根
無惡福根無惡者此三是德想白淨法及法
戒修數數處善勝謂之福亦揚去人惡謂之

福是三種施戒修如所說

福者數數將人善處亦揚去惡故謂爲福問
已說福施戒修何等爲施答爲已他攝故捨
財時俱思願及無教是三種施問此云何答
施者法無畏財法施無畏施財施是三說施
法施者說經出於世間無畏施者八種三歸

東四

二

爲首如世尊說歸佛爲無量衆生施無畏不
結恨無惡法衆亦如是問如三歸亦殺生云
何施爲無畏首答不說一切衆生但如此邪
見爲癡殺生盜他財作衆惡是三歸者所不
作已得正見故若三歸無正見者則非三歸
是故施無量衆生無畏爲首無咎財施者飲

食爲首攝他故施供養等以香華爲首自爲
故或復俱故是已俱德故得大果此中施淨
應廣分別如所說
譬樹用其根 時復用其枝 或有二俱用
是事世之常 如是方便成 是施得大果
有從因緣淨 俱功德亦然

問云何戒答戒者身口二攝他不燒饒益戒者有三相從身口生問此云何答攝他不燒他及饒益攝他者飢乏時衆生愛命怒已不害離他財他妻亦如是此是攝他離兩舌惡口妄言綺語是不燒他復次七支不逼他是不燒他衆苦所逼無所歸依而救濟是攝他

受持此二若福相續生是饒益我從今離殺生發心即饒益增長譬如出物日有滋息受戒心生善相續受實已滅如種有萌芽饒益若不捨善相續乃至眠亦增益福此是饒益是謂戒問云何修答修者禪無量無色此修於善行是故修如華熏麻習是修如習近王

東四

三

譬如王善習近必成其果如是習修必得白淨果故說修禪者是念義此四種問此云何答禪者離欲觀喜苦樂是四禪初者已離惡不善法緣善繫心住謂之離欲第二離觀觀者微於覺如鈴有餘聲是此中無謂之離觀欲前已離第三離喜喜者心悅如海涌波是

此中無及欲觀故說離喜第四離苦樂樂者身心不逼苦者逼是此中無及欲觀喜故說離苦樂是四說禪間云何無量答無量者慈悲喜護是四假想爲無量無量衆生彼緣故無量亦不可數功德故無量慈愍一切衆生心行一切衆生潤在前念是慈悲者苦惱衆生愍傷在前離憂惱念是悲喜者於多樂衆生繫縛悅踊是喜護者無求不勇猛惱衆生過若衆生作惡是不作爲快是反觀衆生自業如是惱過謂之護問已說無量云何無色答無色者空識無所有非想非非想處處者依是四種空者除色見色過是離欲一心緣空於空繫想是空處不猗於空但有識緣識便有識處是亦爲依無依乃勝若無所有是謂無有處於想見過滅想見怖一心是非想非非想處是無色道是名一切福問根云何答根者無貪無恚無愚癡不貪不瞋不癡此三根相問此是誰根答非是前說德本那是

一切趣善勝法之本隨其義一增餘相隨如無貪於施增無恚於戒增無愚癡於修增復次無貪於財施增無恚於無畏施增無愚癡於法施增是謂三種施增復次無貪於攝他增無恚於不燒他增無愚癡於饒益增是謂三種戒增復次無貪於禪增無恚於無量增無愚癡於無色增是謂三修增復次無貪於不惡增無恚於忍辱增無愚癡於多聞增如是於力根如是當知一切善行根無貪者於所有衆具不利不著意無恚者減於恚無愚癡者減於癡故曰根問云何無惡答無惡者忍辱多聞不惡無惡者是俗數假想復次惡者是憎惡是不憎惡故曰無惡如所說無惡者妙善之言忍辱者苦貴賤力自制不怒恕爲忍辱爲苦貴力賤力隨其事自制不怒恕爲苦所逼自制是堪耐義爲貴力所迫怒而不能報但弊惡人故起怒若於大力所迫不起怒是忍辱爲賤力所加恕賤力怨家能報若是同學說如是耶答不所以者何說無差降

東四

四

不報者是恕如是衆生過及行過堪耐此義今當說苦者寒熱飢渴風日勤勞爲衆苦所逼當自制此苦從二事起惱於身不怒於無情怒者衆生因緣說是以依二逼身當堪忍問已說忍辱云何多聞答多聞者契經阿毗曇律多聞者若能除姪怒癡是多聞餘者非多聞是三種契經阿毗曇律於中契經者薩云若說及彼所印可顯示穢污白淨明四聖諦離無量惡阿毗曇者於契經所有盡分別律者說威儀禮節令清淨是謂三種多聞於中律名制欲阿毗曇多制恚阿毗曇者說諸業性以此止恚因恚起犯戒因犯戒墮地獄契經多制癡契經者說十二因緣問是多聞云何不惡答不惡者真知識御意由真知識真御意真由是謂不惡真知識者慈善能師弟子同學若慈善能者是謂真知識彼三種師弟子同學問云何若慈是師善是弟子能是同學說如是耶答不所以者何說無差降

東四

五

慈善能者謂真知識相是說當觀師弟子同學此中慈相最勝餘二支所成或慈者但不善知事亦不能說如父年老無德或有能者亦不善彼雖有慈不善故教惡如六師等若有具足成就三相者當知是真知識或有師過故壞或弟子過或同學過是以具足成就

三相真知識當求問是真知識云何真御意真御意者止舉護想勇猛止想舉想護想向是勇猛於中止者止心逸意下此中觀相故說止舉者意弱柔軟下筋力扶起令高此中觀相故說舉護者以平等意任其行如善御乘遲者使速急者制之等行而護此亦如是四無量中護不可意衆生以慈爲首護此中平等意護問云何知如下意當舉舉意當制等者護答非爲自隨所欲是真御意那是故此自隨所欲隨時隨方便義若高下者此非真御意問是真御意云何真由答真由者具方便果真者由名向彼或說習修是真由具

方便果問爲誰具答前已說善勝問具名何等答具者善損伏根近行禪此是資於善行故曰具如行具足具具者是支義此具三種善損伏根近行禪問云何善損答善損者糞掃衣無事乞食衆聚中損謂之善損善損者是清薄義工師作二種像有增者有損者損者石工木工增者泥工畫工彼成二種像若是從損是能耐風雨餘雖有好色不耐風雨如是二種人在家及出家出家者於家累意解脫已捨衆具損爲妙在家者因妻子親族爲增衆事得成在家者雖有衆具爲美味但愛相別離憂悲鬪諍等爲非法雨所壞意無所耐如畫像爲風雨所壞非出家如世尊說如飾棄鳥青鷗妙色終不能及鷗鷺飛行在家如是不及比丘牟尼遠離閑居坐禪是謂善損糞掃衣無事乞食此三淨功德爲十二本餘九是眷屬彼當別說世尊欲令難陀歡喜故亦說此三

東四

難陀何見汝 無事糞掃衣 知已樂於高
捨離不染欲

以是故知此三是本復次四愛生衣食坐處
有故於中爲衣愛所持說糞掃衣爲食愛所
持說乞食爲坐愛所持說無事若成就此三
功德是方便滅有愛以善損故復次有二種

計著我行及我所作於中爲貪衣食坐處故
生我所作計著彼以此三淨功德止若滅一
事必斷計我是故說淨功德問云何糞掃衣
答糞掃衣者三衣氈衣隨坐此糞掃衣三種
所滿三衣氈衣隨坐若糞掃衣唯三者應有
九淨功德若爾者經相違糞掃衣者從家間
里巷拾弊壞衣三衣者僧伽梨鬱多羅僧安
陀羅會或有持三衣者爲愛好衣所因汲汲
行求由此愛極煩勞若不得多者三當極妙
愛有二種妙愛多愛譬如求一最勝女或求
不端正千如是多愛三衣所制生妙愛世尊
爲彼說持三衣有六種劫貝畢竟繒麻布葛

紵布於中要用一彼見已是好是好多勞爲
彼說氈衣彼如是持氈三衣或在衆中或在
居家牀坐若見餘好座移就坐爲彼說隨坐
已坐不應爲好故移坐以我大故起他是隨
坐如是三滿糞掃衣問無事云何答無事者
樹下暴露正坐愛樹下受暴露受正坐受此
東四

三滿無事此四除處所愛於中精進人信施
作舍柔軟敷大牀座教化者貪著世尊知已
爲彼說此事不應捨自家著他家當捨此舍
樂無事彼已在無事復作高大樓閣屋此亦
不應尔在無事中愛樂高閣屋如以馬乘具
被驢是故樹下當受持彼已受樹下不樂弊
惡小樹而復求好大華蔓樹世尊教彼當受
持暴露汝施主長養身復何爲此當學神仙
樂於暴露汝無家非爲愛所逼彼已在暴露
便作是念我難行已行由是捨正思惟即便
傾卧眠至日出世尊教彼此事不可如人截
耳而嚴飾首是故汝當受持正坐布草結跏

趺坐觀世間如真而作自業如是具足無事
問是無事云何乞食答乞食者一食過中不
飲漿塚間出家者有二種食僧食及乞食僧
食者恒精進家得具足食或復精進者爲除
煩勞故於外作房作食餉乞食者從家家乞
至極少是名乞食餘者邪命彼僧食者作是

念我能致彼施主食便起貢高大慢世尊爲

彼說當乞食彼乞食已數數食至時以是廢
學世尊教彼當一食如所說

人當有念意 每食自知少 則是痛用薄

節消而保壽

彼一食已著於食便作是念世尊唯聽飲漿
而求種種漿以是廢學世尊教彼汝得如是
苦處當捨漿渴者水亦能除當受持過中不
飲漿彼此亦是少食知足已復樂澡浴塗身世
尊教彼此亦是食想貢高所以者何身者從
食中生雖有極肥亦當棄塚間是故汝當樂
塚間觀於塚間從食所有爛壞散肢脹脂血

流漫見已滅此貢高如是乞食滿是謂善損
問云何伏根答伏根者不害守降伏根者能
制諸根是伏根是三種不害守降問不害何
等答前已說根害根者不能調根如馬雖斷
水穀無道不調飽以水穀以道則調如是害
根不調攝諸根則調若害根謂調是盲者離
東八

欲是故莫害根但正御於境界正思惟攝即
得守如所說

諸根至境界 當遠離衆想 不可害境界

但除其染著

諸根者若見極妙女色便起如母想是謂三
種伏根近行禪者忍名想近於思惟故白近
行禪問爲近誰答如前說善勝問如前已說
四禪何故重說答前說禪是趣生死勝此趣
出要勝此次第觀真諦如人始瞻曠野見種
種妙好華池若干清泉盈滿及園觀種種華
樹嚴飾見已作是念此非空野中可得必近
城邑如是行者在生死曠野姪怒癡煩勞得

真知識故正思惟觀陰界入無常苦空無我時若欲樂是謂忍正思惟意不動是謂名如夢中見親如鏡中像如是苦觀想是世間第一法由世尊想是謂近行禪彼次第如夢覺見親後得聖諦觀亦如是

德品第一
真度說竟

問云何名方便答方便者戒上止智方便者

是道是趣善勝故說方便是三陰戒上止智

問非爲重說戒耶答前已說善勝有二種一受生二出要前戒受生此出要戒義者是習義問此云何答戒者正語業命正語正業正命是三種名戒正語者離兩舌惡口妄言綺語正業者離殺盜婬正命者比丘僧食乞食

東四

九

衣藥具是正命餘邪命優婆塞離五業刀毒酒肉衆生是謂正命問云何上止答上止者進念定上止者滿具復次滅婬怒癡謂之上止向彼住故說上止是三種進念定於中進者力若說進當知已說力復次能作故說進進者行此能進至善勝故說進問此云何答

進者信勤不捨信勤不捨是三假名進所以者何信增一切善行在一切善法前於一切法最第一如所說

士有信行爲聖所譽樂無爲者一切縛解是三種信問云何三種答信者淨欲解是信淨欲解於中淨者除濁故濁者人所惡瞋恚

貢高無慚無愧比譬如象水牛等混亂泉水是說濁停住便澄清如是人所瞋惡貢高無慚無愧比亂意謂之濁無是謂之淨欲者愛樂於勝如人爲病所困不樂欲好食病差已不欲得是人爲惡所困不樂欲聞法得善知識已樂於法便作是念此法極微妙更復說是名爲聞欲解者執持譬喻如人爲毒蛇所蟄師呪毒時彼意至到便作是念實如說呪從此必差已意解便求藥如是人爲婬怒癡蛇所蟄世尊爲彼慈心說法彼若意解者無異彼必得除婬怒癡餘者不除是解問是信云何勤答勤者起習專起習專此三種謂之勤起

者始造善如鑽火時造衆火具習者數數作專者著不捨不散意成一縁如救頭然三種謂勤問云何不捨答不捨者不止不厭不離不止不厭不離此三謂不捨不止者一切時不遠我極精進不廢是不厭我一向勤久時煩勞或有果或無捨最何用若以此不捨

精進是謂不捨此三事必獲得果如行人愛樂所至方問已說進云何念答念者身痛心法內外俱不忘內外俱不忘是三種念爲自己內餘者外二事爲俱復次內者受陰界入外者他受及不受俱復次三煩惱在內在外俱在內者欲在外者恚恚者爲他非自瞋若

東四

十

作是念欲亦爲他此不應余所以者何內者染外爲他生欲以內著故如經所說人見女如內根癡俱行苦滅此三煩惱是三種念彼身三痛心法三是十二種念問已說念云何定答定者空無願無相空無願無相是三種定事空故曰空問多有空空村空舍如是比

東四

十一

此中說何等空答空者我行我作俱不見我行我作俱不見者是謂空問何得不見我行我作如世尊說我余時名隨藍梵志復如所說比丘我手著虛空答非如是我行我作是假號但於五陰中計我是我行世尊不行此若於境界計著我許是名我作是世尊亦無

如聖法印經說空者觀世間空如是比彼亦我我所有俱得成以故無咎是謂空問云何無願答無願者過去未來現在不樂立無願者不立義是入此三中過去未來現在是一切有爲如說處經所說彼若作是意我及涅槃彼不攝是三此不應余所以者何一無二

義故涅槃者離世一向無緣彼中無意我者離三世更無此不可說是以三中不樂立是謂無願問無相云何答無相者事作俱相離事作俱相離是無相如所說離一切有爲一切者事及作可作是事能造是作如由無明福無福不動作行彼緣相續有生識是事無

明及行是作如是一切有爲若離彼是說無相復次如聖法印經所說無相者不見其色相如是一切彼中亦說此三事作俱離彼一切是三義但說異如言河無水不見水是一義而說異空無願無相亦如是是謂定問云何智答智者見修無學地所行智者是覺是三地見地修地無學地此中見故曰見問何等見何等答見未曾見聖地根力覺道支及實修者習義如以淳灰浣衣雖去垢白淨猶有灰氣然後須蔓那華等諸香華熏如是見地清淨意禪無量諸定斷除諸結盡極熏是謂修無學地者姪怒癡盡無餘是謂無學問何等於見地智答見地者法觀未知智法智觀智未知智此是見地智於中法智者是現智義譬如良醫知癱已熟以利刀破癱然後以指貫通道令不傷脉而復破癱彼修行人亦如是正思惟觀欲界苦時斷見苦所斷煩惱然後生第二智如欲界苦無常色無色界

亦如是從此比智斷色無色界煩惱是謂見苦三智欲界愛苦因是法智即是觀智如是色無色界未知智是見習三智欲界滅止是法智即是觀智如是色無色界未知智是謂見盡三智此道滅欲界苦是法智即是觀智如是觀智如是色無色界未知智是謂見道

三智此十二智見地廣當知問云何修地答修地者相行種知相知行知種知此三修地問云何相答相者起住壞起者生住者成壞者敗問漫說於衆生涅槃有疑衆生及涅槃亦有此相若有者爲大過即有無常若不者此經有過應當說起住壞是有爲相答衆生者於相是餘不可說若異即有常若是即無常是二過不可說涅槃亦如是是故分別當知相者一向有爲相問今說功德云何此相是功德答今說智若此三中智是功德非相問云何行答行者無常苦非我見行者盡知是行義此相由是行知是行義陰無常若無

常者是苦若苦者是不自在故非我無常者
不以住故如水泡苦者逼迫故如箭在體非
我者不自在故如借瓔珞是謂行問云何種
答種者味患離種者是味是患是離問是誰
答是有爲於中味者是妙患者是惡離者俱
息於中天人樂是味三惡道苦是患離罪福

是離若如是觀正見功德故即得解脫是謂
種此是修地智問云何無學地智答無學地
者達通辯智達智通智有辯智是三無學地
智問云何達智答達者宿命生死漏盡智宿
命智生死智漏盡智是謂達能達故曰達達
是知義於中宿命智憶過去所作行生死智
知得業果漏盡智後當說復次煩惱有三種
過去未來現在處過去者十八見未來四十
四見現在處身見由此故生現在故分別過
去未來於中若得宿命智者不謗過去得生
死智者不癡於未來得漏盡智者不著現在
處問云何漏盡智答漏盡智者盡無生願智

我煩惱盡觀如是是盡智不復生者是無生
智譬如師治蛇所螫知已除毒是一智不爲
前氣所動是第二智盡智無生智亦如是願
智者若聲聞以宿命智自憶生相續非餘是
願智以願故亦知他是謂願智問云何通答
通者如意足天耳他心智如意足天耳他心
東四十三

智此三是通如意足者後當說天耳者以定
力故處一緣中增長四大淨此天人至惡趣
聞聲隨其力如眼或見近或見遠隨其眼力
如是隨其定力得天耳他心智者如見衆生
若聞聲知彼心念如是如是問云何如意足
答如意足者遊空變化聖自在如意足者得
如意故說如意如意是自在義遊空自在變
化自在聖自在是謂三種如意足遊空自在

者覆水蹈虛能徹入地石壁皆過擗摸日月
是謂遊空自在變化自在者現人象馬車山
林城郭皆能化現聖自在者能化壽化水爲
酥化土石爲金餘如是比是謂如意足聖所

東五

尊者山賢造 東晉太始元年三藏僧伽提婆共慧遠譯

增長養如意足天耳他心智是謂通宿命智生死智是凡夫五通問云何辯答辯者法義辯應善知法善知義善知辯善知應此四是辯知法者知名句味知義者即知彼性實如火是名彼熱是義於中不癡知辯者此文飾如是次第知應者不顛倒說句文飾亦不差

錯是謂辯此亦於學地智已廣說問如戒及定學無學地中亦可得戒定何以不三種說

荅無戒戒差別非爲學離殺生衆生極護無學不如是若學不殺生即是無學以是無差降故不說三種

德品第二
真度說竟

由由者是道云何果亦是道耶答此果說是有餘前說無餘無餘般涅槃故是故無咎佛者離一切障礙得十力建四無畏獲一切佛法諸佛戒定慧等無差降辟支佛者爲自覺不爲他而自覺故說辟支佛聲聞者由他說復次解脫具有二種一者悲二者厭若從悲

具得道者是佛厭具有二種一者由自得二

由他得若自得者是辟支佛若由他得是聲聞復次若普知盡具功德離諸惡者是佛辟支佛者雖離諸惡餘事不如聲聞者緣他離諸惡問云何知諸佛無差降聲聞亦復爾耶爲不答聲聞者離欲未離欲阿羅漢聲聞有

三法度論卷中

德品之餘

問前說由者具方便果於中已說具方便云何果答果者佛辟支佛聲聞佛辟支佛聲聞者此三是果問爲誰果答戒上止智問今說

乙

王

三法度論卷上

東四

蠶虫昆音反循音自燒音遶耐音奈彊軟二同乳充反齰然之
汲暴露上蒲音急反繒音報反疾音陵餉音尚詩反肥房房非肥反非胖非
脹上降音急反漫莫官反又又混胡本音反呼各各音釋
鑽子官音反浣二同音半反蔓莫官音反泡音治音持踏音盜音
捫摸上音門下音反莫胡音反

十四末